



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

BB. XXVI. Japones MM. 5. Februarij.

urn:nbn:de:hbz:466:1-41940

88 VITÆ SANCTORUM. 5.
dinis & avaritiæ sitim positurus. Ajus
corpus ejus nunquam repertum sepul-
chro caruisse. Nimirum, ut castitas &
Angelis, ita impuritas ne ab homine quæ
dem meretur tumulari. Ex Surio.

Christi exemplo vivendum est tibi, dicitia amator, si Sanctorum cupis habere
consortium. Ab immunditia & turpitate
dinis cogitatu peccatum emunda, quoniam
nullos nisi sanctos & justos, simplices &
continentes cœlestis aula suspiciet. S. Lau-
justin. Lign. Vitæ cap. 3.

B.B. XXVI. JAPONES MM.
5. Februario.

Nullam Oriens tam nobilem, quam
Martyrum mittit purpuram. Eam
anno M. D. XCVII. sanguine suo Ja-
pones tinixerunt. VI. erant supra XX.
qui Meaci auriculâ mulctati, Nangasaci
in crucem acti ac lanceis sunt confossi.
Erant inter hos sex è D. Francisci, tres e
S. Ignatii familiâ ; quorum constan-
tiam ex discipulis, iisque pueris disce-
Tres erant Sacerdotum nuper ad aram
ministri, nunc ad crucem socii, ipsi
mox futuri Sacerdotes victimæ. Ex his
LUDOVICUS annorum XI. & emit-
tendus è vinculis, si fidem fecisset mis-
sam, respondit nolle se stultum merca-
torem agere, & momentum immortalitatem
mutare ; in loco supplicii suam
sibi

5. Feb. VITÆ SANCTORUM. 89
sibi crucem monstrati voluit, ad eamque
velut ad cupedias cursu contendit. Cælo
denique in cruce jam propior, oculis to-
toque corpore gestiente, illuc videbatur
evolaturus nisi vincula prohibuissent.
Geminus huic A N T O N I U S cantu in-
vitavit ad mortem socios, & Davidis
verba (*Laudate pueri Dominum*) melior
cygnus insonuit. Idem omnium fuit
ad cruces currentium certamen, ex-
dem è crucis cathédrà conciones, una
morientium vox Iesum ac Mariam in-
clamantium, quæ cùm à Christianis
stantibus redderetur, non potuit ju-
coudior Dei auribus Echo accidere. Vi-
ctoribus U R B A N U S VIII. pontifex
triumphum decrevit, & beatos pronun-
ciavit. Ex Ioan. Hayo.

*An non meritò coronabitur, qui sic
certaverit, mundum abjiciens promitten-
tem, irridens inimicum tentantem, &
quod glorioſius est, de ſemetipſo trium-
phans, & cruciſigens concupiſcentiam
prurientem?* S. Bernard. ſerm. i. de
Omn. SS.

S. BERTULPHUS CONF.

5. Februario.

D IVO BERTULPHO vitam dedit Ger-
mania, Gallia fidem sanam. Hic &
juventæ omnibus ornamenti cultissimus
adolescens facile in Comitis Wam-
berti

F 5